

# Powšitkowne WOZJEWJENJA

njedźelu, 4. měrca 2018

## Přiležnosć k swjatej spowědži w Róžeńće

sobotu, 17. měrca 17.00 – 18.00 hodź.	farar M. Anders, farar Šć. Delan, farar T. Dawidowski, farar B. Jakubaš
sobotu, 24. měrca 17.00 – 18.00 hodź.	farar M. Anders, farar W. Sćapan, farar D. Dzikiewicz, farar B. Jakubaš
póndźelu, 26. měrca 18.30 – 19.30 hodź.	farar M. Nawka, farar T. Dawidowski, farar G. Nawka, farar J. Magiera
wutoru, 27. měrca 18.30 – 19.30 hodź.	farar M. Anders, farar D. Dzikiewicz, farar G. Wornar, farar St. Börner

Přeco sobotu je do Božeje mšě za lud a kraj, kotraž so we 8 hodź. zahaji, přiležnosć k swjatej spowědži.

## Póstny seminar w Smochćicach k temje měř

„Cyrkwje a wójna. Džensa so wo měř postarać“ rěka hłowna tema lětušich póstnych seminarow w Smochčanskim Domje biskopa Bena. Póndźelu, 5. měrca, rěka tema „Brónjenje šwikać – dosaha to?“. Referentaj staj farar Bernd Schaller z Berlina a Annemarie Müller z Drježdźan. Seminar, kotryž započnje so w 19.30 hodź., zarjadowuje Dom biskopa Bena w kooperaciji z Ewangelsko-lutherskim cyrkwiniskim wobwodom Budyšin-Kamjenc, Budyskim dekanatom a Towarstwom Cyrila a Metoda z.t.

## Čitanje ze zběrki nowych powědančkow

Na čitanje z noweje antologije „Mlóče“ přeprašuje Ludowe nakładnistwo Domowina wšitkich zajimcow. Zarjadowanje wotměje so njedźelu, 11. měrca, w 15.00 hodź., na farje w Chróśćicach. Wudawačelka Ingrid Juršikowa zběrku předstaji. Z njeje budu Andreja Chěžcyna, Monika Dyrlichowa a Pětr Thiemann čitać. Jurij Smoła zarjadowanje hudźbnje na akordeonje wobrubu. Wopytowarjo móža sej knihu na městnje kupić a sej ju wot awtorow signować dać.

## Spominanje na Michała Nawku

Składnostnje 50. posmjertnin Michała Nawki budže so pjatk, 16. měrca, w Radworju na njeho spominać. Započatk je we 18.30 hodź z Božej mšu. Do toho modla so tam wot 18 hodź. swjaty różowc. Po kemšach su wšitcy na faru přeprašeni, hdžež budže so na njeho jako redaktora Katolskeho Posoła, wučerja, kěrlušerja a basnika zhladować. K tomu přeprašuje Towarstwo Cyrila a Metoda z.t. zhromadnje z Radworskej wosadu a Maćicu Serbskej.

## Nóčne modlenje serbskeje młodžiny

Lětuše nóčne modlenje serbskeje dekanatneje młodžiny zahaji so sobotu, 10. měrca, w 21 hodź. w cyrkwi klóštra Marijineje hwězdy. Přitomni njebudu jeničce cistercienske sotry, ale tež diecezanski dušepastyr młodžiny, farar Martin Kochalski. Z nimi móža so młodostni wo duchownych powołanjach rozmołwjeć. Jich wočakuje Taizeski nyšpor kaž tež přiležnosć přijěća sakramenta pokuty. Na wikariji poskići so wječer. Modlenje skónči so z Božej mšu, kotraž započnje so wopołnocy.

## Póstny wopor młodžiny za projekt w Africe

Dekanatne dušepastyrstwo młodžiny we Worklecach podpěruje w tutym lěće z póstnym woporom kublanje młodych žonow a maćerjow w tansanskim Ifakaru. Z darami ma so „Community Center“, kotryž zmóžnja młodym zańdženym žonam a maćerjam šulu dokončić, so dale wukublać a powołanje nawuknyć sobu financować. Swój wopor móža młodostni w cyrkwi abo we Worklečanskim dekanatnym młodžinskim dušepastyrstwie wotedać. Móža pak jón tež pod hesłom „Ifakara“ na konto Bistum Dresden-Meißen Dekanatsstelle Räckelwitz; IBAN: DE65 7509 0300 0008 2948 79 přepokazać.

## Dzeń wotewrjenych duri w džěłarni za zbrašenych

Džěłarnja za zbrašenych swjateho Michała přeprašuje wopytowarjow pjatk, sobotu a njedźelu, 9., 10. a 11. měrca, do swojich rumnosćow w Pančicach-Kukowje, Při młynčiku 1. Tam džěłacym přez ramjo hladać abo z personalom so porozmołwjeć móža pjatk wot 10 do 14 hodź. Sobotu a njedźelu wot 10 do 18 hodź. wobdžěli so tamniša hornčernja na 13. sakskim dnju hornčerjenja. Na wšěch dnjach poskića k wěstym časam wodženje. Štóz chce, móže so w hornčerjenju sam wuspytać.

## Hłowna zhromadźizna TCM

Předsydstwo Towarstwa Cyrila a Metoda z.t. (TCM) přeprašuje wšitkich člonow towarstwa, člonow sekcijow a korporacijow kaž tež zajimowanych hosći na swoju hłownu zhromadźiznu pónđzelu, 19. měrca, do Ralbic. Započnjemy w 19.00 hodź. z Božej mšu w cyrkwi. Přizamknje so zhromadźizna na „Radlubinje“. Sčěhowacy dnjowy porjad je předwidžany:

1. zahajenje
2. wólba nawody zhromadźizny
3. rozprawy předsydstwa, nawodow korporacijow a sekcijow
4. financna rozprawa TCM a Katolskeho Posoła
5. rozprawa rewizijneje komisije
6. diskusija a schwalenje rozprawow
7. informacije k namjetej postajenja noweho pomnika zbóžneho Alojsa Andrickeho
8. diskusija
9. zakónčenje / modlitwa

Do a po hłownej zhromadźiznje změja člonoj so składnosć, swój lětny přinošk we wysokości pjeć eurow zapłaćić.

## Wo najwuznamnišim serbskim misionaru

Mandželskej Mechtild a Wolfgang Opel přednošujetaj k temje „Daloce horiconty: Jan August Měrcink – šewc, misionar, polarny slědžer“ štwórtk, 15. měrca 2018, w 19.30 hodź. w Budyskim hosćencu „Wjelbik“, Žitna 7, Kulturna wědomostnica a jeje mandželski, kotrajž staj jako knižnaj awtoraj hłownje w Kanadze žiwaj, předstajitaj wuslědky swojich lěta dołhich slědženjow za žiwjenjom a skutkowanjom najwuznamnišeho serbskeho misionara Ochranowskeje bratrowskeje jednoty. Přednošk budže w němskej rěči, zastup je darmotny.

## **Kak džěci aktiwnje zapřijeć**

Čestnohamtscy pomocnicy a dalši zajimcy ze serbskich wosadow su na přednošk pod heslom „Kak džěci za Boha zahorić?“ přeprašeni. Referent za džěćacu pastoralku Drježdžansko-Mišnjanskeho biskopstwa Stephan Schubert nawjaza wutoru, 20. měrca, na swój přednošk z lońšeho nowembra a chce so na tutym wječoru mjez druhim prašenju wěnować, kak móhli so džěci aktiwnje do Božeje mše zapřijeć. Započatk je w 19.30 hodž. w Don Boskowym domje we Worklecach.

## **Pytaja kubłarku**

Radworski Katolski serbski džěćacy dom „Alojs Andricki“ pyta kubłarku. Nadrobniše informacije poda wjednica Monika Bukowa, telefonowe čisło (03 59 35) 20 717.

## **Do Lourdesa a Pólskeje**

Přeprašuju na putniskej jězbje z busom wot srjedy, 4. apryla, do štwórtka, 12. apryla, do Lourdesa kaž tež wot srjedy do njedźele, 23. do 27. meje, do Wrocławja a Krakowa. Nadrobniše informacije dóstanu zajimcy pod telefonowymaj čislomaj (01 63) 7 33 82 05 abo (03 57 96) 9 54 28 (po 19 hodž.) abo pola mnje w Hórkach, Sydlišćowy puć 2.

*Maćij Hadank*